

www.BibleForChildren.org



Juan 14



Tapos nagsurmaton si Jesus sa tanan na mga disipulos, “Ayaw kamo kahandal kundi magtuod sa Dios kag sa akon. Makadto ako sa istaran san akon Ama agod magpreparar san lugar para sa iyo kay didto damo’n mga kwarto.”



“Kun dili ini matuod dili ako masumat sa iyo.
Pakapreparar ko sin lugar para sa iyo, mabalik gihapon
ako agod iupod na kamo, tapos kun hain ako adto man
kamo.”



Ako si Juan kag ako an kamanghod niyo sa pagtuod na sa pakiusad ta kan Jesus nakibahin sa iyo sa pagtios, sa iya kahadian kag


sa iya pagkamapinasensyahon.




Adto ako sa isla san Patmos kay gintukdo ko an surmaton san Dios kag kamatuudan na ginhayag ni Jesus.



Sana mismo nasa gahom ako san Espirito san Dios
kag may nakita ako dayon na trono sa langit na may
nakaingkod.




Tapos, nabati ko man an tanan na ginlalang, an sa langit, an sa duta, an sa hidalom san duta kag an sa dagat. Nagakanta sinda tanan na nabubuhay didi sa kinab-an,
“Umawon siya na nagaingkod sa trono, amo man an kordero. Galangan kag mapataas man sinda hasta na lang kag hatagan sinda sin grabe na gahom!”



Tapos, nakita ko an banal na syudad na an bag-o na Jerusalem, nagalusad hali sa langit kag sa Dios. Nakapareho ina san babayi na nakapangkasal na bado, handa na sa pagsugat sa magigin asawa niya.



Nabati ko naman an makusog na boses hali sa trono na nagasabi, “Kitaa, an istaran san Dios ada na sa mga tawo! Magaistar siya sa inda kag magigin katawuhan na sinda san Dios. Siya mismo makakaupod ninda kag magigin Dios siya ninda.”



Pakatapos ginpakita sa akon san anghel an suba na an tubig nagahatag sin buhay. Ini na suba nagasidlak pareho sa kristal na nagailig hali sa trono san Dios kag san Kordero sa tunga san kamino san syudad.



Dili naman nagakinahanglan ini na syudad sin adlaw o bulan para magpapawa sani kay an kapawa san Dios amo an ilaw didto kag an Kordero amo an ilawan.




Pero dili makasulod sa syudad an mga nagahimo sin kalaw-ayan, mga nagabuwa kag mga dili banal. An makasulod lang idto'n an mga ngaran nakasurat sa libro san mga ginhatagan sin buhay na wara'n katapusan. Ini an libro san Kordero.




“Pagapahidan niya an tanan na luha sa inda mga mata. Wara na sin mamamatay, mamumundo o magatangis o magabatyag sin sakit kay an mga kasadto nag-agi na.”




Wara na gayod sadto na syudad sin pagmaldisyon
san Dios kundi adto an iya trono kag san sa Kordero
kag didto pagasambahon siya san iya mga suruguon.
Makikita ninda an iya bayhon kag an iya ngaran
isusurat sa inda mga
agtang.



Nakita ko an mga patay, kilala kag dili kilala, nagatindog sa atubangan san trono kag may gin-abrihan na mga libro. May usad pa na libro na gin-abrihan. Ini an libro na ginsuratan san mga ginhatagan san buhay na wara'n katapusan. An mga patay ginhusgaran tungod sa mga hinimuan ninda pareho san nakasurat sa mga libro. Idto'n an mga ngaran wara sa libro na ginsuratan san mga hahatagan sin hasta na lang na buhay an ginpilak man sa danaw san kalayo.



Ginasabi man san Espirito kag san karaslon na babayi, “Kadi kamo!” An nakabati sani magsabi man, “Kadi kamo!” Kadi kamo, mga ginapaha. An sin-o man na gusto san tubig na nagahatag-buhay, pakadia man kag pakuhaa san tubig na wara’n bayad.



Matuod na kay
namut-an gayod san
Dios an katawuhan san kinab-an, kaya
ginsugo ngani niya an iya bugtong na anak
agod an buhay sani magigin halad para sa
inda kasal-an. Niyan, dili mawawar-an
sin buhay an may pagsarig sa iya
kundi magkakaigwa lugod sin
buhay na wara'n
katapusan.



Roma 3:23

nagkasala sinda tanan kag nagakulang sa gloryoso na katanusan san Dios.

Roma 6:23

Kamatayon an suhol san kasal-an pero buhay naman na wara'n katapusan an regalo san Dios paagi sa aton Ginoo na si Jesu-Cristo.

Hebreo 9:27

Sugad na ginbuot na an kada usad dapat mamatay, pakatapos huhusgaran na san Dios.

Efeso 2:8,9

Tungod sani na pagkaluoy san Dios, nasalbar kamo paagi sa pagsarig kan Cristo. Kaya regalo ini san Dios, dili hali sa iyo sadiri na mga himo. Niyan, kay dili ini dahilan san mga maayo na hinimuan, wara'n makahambog bisan sin-o Kundi



Roma 10:9,10

Niyan, masasalbar ka kun nagatuod ka na si Jesu-Cristo binuhay gihapon san Dios hali sa kamatayon, kag kun ginaako mo na si Jesus an Ginoo. Kay san pagtuod mo sani sa imo tagipusuon ginpatanos ka san Dios, kag san pagsumat mo naman nasalbar ka na sa paghusgar.

Juan 3:16,17

“Matuod na kay namut-an gayod san Dios an katawuhan san kinab-an, kaya ginsugo ngani niya an iya bugtong na anak agod an buhay sani magigin halad para sa inda kasal-an. Niyan, dili mawawar-an sin buhay an may pagsarig sa iya kundi magkakaigwa lugod sin buhay na wara'n katapusan. Dili ginsugo san Dios an iya anak pakadi sa kinab-an para maghusgar, kundi paagi sa iya masalbar an katawuhan san kinab-an.



1 Juan 5:11-13

Niyan, amo ini an ginpamatuudan: ginhatagan kita san Dios sin buhay na wara'n katapusan kag an ginhalian sani na buhay amo an iya Anak. Kaya, an nagaako sa Anak san Dios igwa sani na buhay. An dili naman nagaako wara sani na buhay. Ginasurat ko ini sa iyo na mga nagatuod sa Anak san Dios agod maaraman niyo na igwa kamo sin buhay na wara'n katapusan.



Juan 14; 2 Corinto 5; An Ginhayag 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Masbatenyo NT (msb) © 1993, Wycliffe Bible
Translators, Inc. All rights reserved.

<https://www.bible.com/bible/1222/MAT.1.MSB>

©2026 Bible for Children, Inc.

www.M1914.org

www.bibleforchildren.org

